

Službene novine Federacije BiH, broj 82/13

Na osnovu člana 79. stav 1. tačka 1) Zakona o matičnim knjigama ("Službene novine Federacije BiH", broj 37/12), federalni ministar unutrašnjih poslova donosi

UPUTSTVO

O IZMJENAMA I DOPUNAMA UPUTSTVA O NAČINU VOĐENJA MATIČNIH KNJIGA

1. U Uputstvu o načinu vođenja matičnih knjiga ("Službene novine Federacije BiH", br. 51/13 i 55/13) u tački 8. alineji 11. na kraju teksta briše se tačka-zarez i dodaju riječi: "što se rješava prema tački 54. ovog uputstva". U alineji 12. na kraju teksta briše se tačka-zarez i dodaju riječi: "što se vrši prema Zakonu o ličnom imenu;". 2. U tački 54. stav 4. mijenja se i glasi: "Vođenje postupka i donošenje rješenja u postupku identifikacije iz stava 1. ove tačke vrši kantonalno ministarstvo prema prebivalištu podnosioca zahtjeva, a ako nema prijavljeno prebivalište na području Federacije, u tom slučaju nadležno je kantonalno ministarstvo prema općini i gradu koje vodi matičnu knjigu rođenih tog lica." Iza stava 4. dodaje se novi stav 5., koji glasi: "Postupak iz stava 4. ove tačke pokreće se na zahtjev stranke, koji se podnosi na Obrascu broj 1, a koji se nalazi u prilogu ovog uputstva i čini njegov sastavni dio." 3. U tački 56. iza stava 3. dodaje se novi stav 4., koji glasi: "Odredbe st. 1. i 2. ove tačke primjenjuju se i na pogrešne prepise podataka iz matičnih knjiga iz kojih je izvršen prepis." 4. Iza tačke 56. dodaje se nova tačka 56a., koja glasi: "56a. Ako se utvrdi da je prezime bračnog partnera koje je uzeto prilikom sklapanja braka pogrešno preneseno u matičnu knjigu rođenih iz odgovarajuće rubrike matične knjige vjenčanih, u tom slučaju, po zahtjevu stranke, ispravka tog prezimena u matičnoj knjizi rođenih vrši se rješanjem koje donosi nadležna služba za matične knjige općine i grada prema podacima iz matične knjige vjenčanih. Ispravka prezimena u matičnoj knjizi rođenih utvrđena u tom rješenju upisuje se u rubriku "Naknadni upisi i zabilješke", koja sadrži uzeto prezime, broj i datum tog rješenja. Ako se utvrdi da u matičnu knjigu rođenih bračnih partnera nije upisano prezime uzeto prilikom sklapanja braka prema prezimenu upisanom u matičnoj knjizi vjenčanih, u tom slučaju matična služba iz stava 1. ovog člana, po zahtjevu stranke, donosi rješenje koje sadrži prezime upisano u matičnu knjigu vjenčanih bračnih partnera. Prezime utvrđeno u tom rješenju upisuje se u matičnu knjigu rođenih bračnih partnera u rubriku "Naknadni upisi i zabilješke", koja sadrži uzeto prezime, broj i datum tog rješenja." 5. U tački 62. stav 4. riječi "nadležno kantonalno ministarstvo na način utvrđen u tački 54. ovog uputstva" zamjenjuju se riječima: "kantonalno ministarstvo prema općini i gradu u kojoj je umrlo lice imalo posljednje prebivalište u Federaciji, a ako se ne može utvrditi to prebivalište, onda se nadležnost određuje prema općini i gradu koji vode matičnu knjigu rođenih za umrlo lice, a postupak se vodi i rješenje donosi prema tački 54. ovog uputstva". 6. Iza tačke 65. dodaje se nova tačka 65a., koja glasi: "65a. Kada općinska i gradska služba za matične knjige, na zahtjev stranke, donese rješenje o promjeni

datuma rođenja lica u matičnoj knjizi rođenih, dužna je primjerak tog rješenja, kada postane pravosnažno, po službenoj dužnosti, dostaviti nadležnom kantonalnom ministarstvu radi određivanja novog ili promjene jedinstvenog matičnog broja prema novom datumu rođenja tog lica utvrđeno u rješenju."7. U tački 83. stav 2. mijenja se i glasi:"Ako se očinstvo ili materinstvo ne može utvrditi prema članu 53. i članu 54. stav 1. Porodičnog zakona, utvrđivanje se vrši priznavanjem očinstva ili materinstva ili sudskom odlukom. Očinstvo i materinstvo priznaje se pred matičarom, organom starateljstva, sudom ili notarom ili u testamentu, a vrši se prema proceduri utvrđenoj odgovarajućim odredbama čl. 56. do 71. Porodičnog zakona, koje se odnose na priznavanje očinstva, odnosno koje se odnose na priznavanje materinstva."St.: 3., 4. i 5. brišu se.8. U tački 86. stav 1. iza riječi "naknadni upisi i zabilješke" dodaju se riječi: "osim potpunog usvojenja koje se upisuje u rubrike osnovnog upisa", a u podtački d) riječi: "pribavlja po službenoj dužnosti na način utvrđen u tački 26. ovog uputstva", zamjenjuju se riječima: "koji je sklopio brak po službenoj dužnosti dostavlja matičaru koji vodi matične knjige rođenih bračnih partnera;"9. Iza tačke 89. dodaje se nova tačka 89a., koja glasi:"89a. Lica koja steknu državljanstvo Federacije prema članu 20. stav 1. Zakona upisuju se u matičnu knjigu rođenih prema toj zakonskoj odredbi.Ako u rješenju, odnosno odluci nadležnog organa iz člana 20. stav 2. Zakona nisu sadržani svi podaci koji se upisuju u matičnu knjigu rođenih, u tom slučaju upis tih podataka vrši se na osnovu rješenja o naknadnom upisu koje donosi općinska i gradska služba za matične knjige koja je izvršila upis tog lica u matičnu knjigu rođenih."10. U tački 117. stav 1. iza riječi: "upisuju se u rubriku" dodaju se riječi: "Napomena, odnosno rubrika".U stavu 2. iza riječi: "iz sudske odluke", tačka se briše i dodaju riječi: "što se vrši u okviru osnovnog upisa", a riječi: "Naknadni upisi i zabilješke" zamjenjuju se riječju "Napomena".11. U tački 123. stav 1. na kraju teksta tačka se briše i dodaju riječi: "iz tačke 62. stav 4. ovog uputstva.".12. U tački 126. st. 2. i 3. mijenjaju se i glase:"Upis ličnog imena u matičnu knjigu rođenih na osnovu izvoda matične knjige rođenih inozemnog organa vrši se dosljedno kako piše u tom izvodu kako je utvrđeno u članu 56. stav 1. Zakona, a nakon izvršenog upisa, ako stranka traži da se lično ime upiše na jednom od službenih jezika i pisama Federacije, takav zahtjev rješava nadležno kantonalno ministarstvo prema članu 56. stav 2. Zakona i odredbama Zakona o ličnom imenu kojim su regulisana ta pitanja, o čemu se donosi rješenje. Lično ime utvrđeno u tom rješenju upisuje se u matičnu knjigu rođenih tog lica u rubriku "Naknadni upisi i zabilješke".Ako se upis u matičnu knjigu vjenčanih ili matičnu knjigu umrlih vrši na osnovu isprave inozemnog organa (izvod, rješenje, odluka i dr.) u kojoj postoje različiti podaci o imenu i prezimenu lica ili njegovih roditelja u odnosu na podatke koji su upisani u matične knjige rođenih tih lica u Federaciji, u tom slučaju, prvo se vrši upis dosljedno prema ispravi inozemnog organa, a nakon toga, na zahtjev stranke, vrši se ispravka (usklađivanje) ličnog imena za to lice ili njegove roditelje. Ispravka se vrši rješenjem kojim se lično ime utvrđuje prema podacima iz matične knjige rođenih lica na koje se zahtjev odnosi. Lično ime utvrđeno rješenjem upisuje se u rubriku "Naknadni upisi i zabilješke" matične knjige na koju se ispravka odnosi, koja sadrži utvrđeno lično ime, broj i datum tog rješenja. Zahtjev rješava služba za matične knjige općine i grada koja je izvršila upis podataka u matičnu knjigu vjenčanih ili matičnu knjigu umrlih tog lica na osnovu isprave inozemnog organa."Iza stava 3. dodaje se novi stav 4., koji glasi:"Kada se radi o izvodu iz matične knjige vjenčanih inozemnog organa, a lično ime lica koje je sklopilo brak u inozemstvu upisano je u matičnu knjigu rođenih u Federaciji prema pravilima službenog jezika i pisma Federacije, u tom slučaju matičar će upisati u matičnu knjigu vjenčanih lično ime onako kako je upisano u izvodu inozemnog organa, a u rubrici "Napomena" upisati zabilješku: "*Lično ime lica koje je sklopilo brak u njegovoj matičnoj knjizi rođenih glasi* _____". "13. Iza tačke 197. dodaje se nova tačka 197a., koja glasi:"197a. Zahtjevi podneseni službi iz tačke 5. ovog uputstva

ili kantonalnom ministarstvu do dana stupanja na snagu ovog uputstva, a nisu okončani do tog dana, rješavaju se prema odredbama ovog uputstva."14. Ovo uputstvo stupa na snagu narednog dana od dana objavljivanja u "Službenim novinama Federacije BiH".

Broj 01-03-02-1-182 8. oktobra 2013. godine Sarajevo

Ministar **Predrag Kurteš**, s. r.